

汾州府志目錄

例言

圖

表

以上卷首

沿革

一卷之一

星野

疆域

以上卷之二

山川

卷之三卷之四

城池

官署

倉廩

學校

壇壝

以上卷之五

關隘

營汛

驛舖

以上卷之六

戶口

田賦

鹽稅

以上卷之七

職官

卷之八卷之九

宦績

卷之十卷

食封

流寓

以上卷

人物

卷之十三至十六

義行

卷之十七

科目

卷之十八十九

仕實

卷之二十

列女

卷之二十一二十二

古蹟

塚墓

以上卷之二十三

祠廟

卷之四

事考

卷之五

雜識

卷之六

藝文

卷之二十七至三十四

汾州府志卷之十二

食封

孟增史記趙世家云孟增幸於周成王是爲宅臯狼徐廣

曰臯狼地名在西河索隱曰按如此說是名孟增號宅

臯狼而徐廣云臯狼地名在西河者按地里志臯狼是

西河郡之縣名蓋孟增幸於周成

王成王居之於臯狼故云宅臯狼

士會食邑在隨故左氏傳亦稱隨會以上

代王是爲文帝漢書文帝紀高祖十一年定代地立子

恒爲代王都中都說詳沿革

土軍侯宣義高祖十二年以擊陳豨功封邑千一

百齊謚曰式子孝侯莫如孫康侯平襲平子生元朔二

年國除

鄔侯驕鈞齊哀王舅孝文元年四月封六年國除

離石侯劉綰代共王子元朔三年封後徙封涉侯

閻侯劉憲代共王子元朔三年封後徙封武原侯

隰城侯劉忠代共王子元朔三年封後徙封端氏侯

土軍侯劉郢客代共王子元朔三年封後徙封鉅乘侯

韋狼侯劉遷代共王子元朔三年封

中陽侯鮑永更始時以破青犢封光武初國除

以注漢

中都公曹琬樊安公均子黃初二年以嗣豐愍王昂後

封其年徙長子公嘉平六年襲昂爵爲豐王

中都侯孫資景初二年由樂陽亭侯晉封齊王立增邑三百戶並前千戶

京陵侯王和嘉平二年以征吳功由武觀亭侯晉封邑三千七百戶後以克母邱儉文欽功封二子亭侯關內侯謚曰穆子渾襲

離石子孫宏咸熙中以父資舊勲封

以上三國魏

西河王司馬斌宣帝弟咸寧三年由陳王徙封邑千七百一十戶謚曰繆子隱孫奮繼襲

京陵縣公王渾初襲父和爵京陵侯太康元年以平吳功增封八千戶晉公卒謚元子濟濟子卓襲

西河王司馬喜爲石勒所執

以上晉

離石侯石嵩卒葬萬戶山之西

石趙

西河王元太興太和二十年由前京兆王改封子昂孫
惊襲

永安侯魏勤太宗時封

西河公元敦平文帝之曾孫也太祖初被堅執銳名冠
諸將後從征中山所向無前太宗時拜中都大官世祖
時封子撥襲

西河公元石都天安元年封

永安侯劉乞歸孝文時封

平遙縣子司馬子如永安初封邑三百戶晉侯

以上北魏

永安縣分隰城置始於北魏太和十七年前此之永安卽今霍州永安城而孝昌二年西河郡及永安隰城介休三縣俱喬置平陽界故北魏以前永安封爵孝昌二年以後及東西魏西河永安隰城介休封爵例不載入北魏之中都在今榆次縣又定陽未嘗喬置介休故北魏之中都定陽封爵例不載入

辨詳沿革

西河王高紹仁文宣帝第四子天保初封

西河王高仁幾武成帝第八子天統三年六月封

西河縣公任延敬

西河郡公乞僕令和

以上北齊

西河縣公獨孤景雲廣阿縣公楷子周末以父功封平遙縣伯鮑宏周平齊以功封

永安縣侯韋壽孝寬子建德中封靜帝初晉滑國公永安縣伯杜產武帝時以戰功封周末晉襄武縣侯永安縣男鄭元琮沛國公譚子宣帝初封

西河郡公乞伏慧仕周以軍功封隋仍舊封

以上北周

介國公宇文闡卽周靜帝隋初封

介國公宇文洛由虞國公改封

西河公紇豆陵

西河郡公竇洪景官驃騎大將軍封子儼孫明哲襲

平遙縣公鮑宏開皇初由平遙縣伯晉封

永安縣男鄭元珣周沛國公譚子開皇初封

隋以上

永安王李孝基高祖從父弟武德元年封二年討劉武周戰沒

西河郡公溫彥博武德初以勸幽州總管羅藝歸國封貞觀四年晉虞國公

永安縣公姜寶誼武德初以佐命功封

介休縣公郭知運破突厥有功封

西河公竇敬遠孫善衡曾孫懷真元孫印襲

西河郡公郭英乂後晉封定襄王

西河公張綸

以上唐

西河郡開國侯相里金

五代時

西河郡侯靳德淵

元時

慶成王濟炫晉恭王第四子也晉恭王桐太祖第三子

母高皇后濟炫始生太祖方御慶成殿宴故他王皆牽繫

以地而王獨號慶成國汾州成祖時坐事召還薨謚莊

惠子美靖嗣薨謚恭僖子鍾鑑嗣長子奇湏嘗代父理

府事善死無辜七人晉王奉勅數

成王失教責奇湏

罪奪冠帶降爲庶人後更以

孝聞鍾鑑

薨謚溫穆奇湏

廟正德中以賢孝聞賜勅褒獎薨謚端順子表榮嗣端
順王生子七十人嘉靖初尙書王瓊以聞表樂侯茂寡
言孝友好文學嘉靖三十年壽八十詔書嘉獎資以金
幣表樂薨謚恭裕子知燦嗣薨謚安穆子新堤先卒謚
悼懷新堤子慎鍾嗣薨謚榮懿子敏范嗣薨子求掄嗣
薨子審驥嗣

永和王濟烺晉恭王第六子國汾州謚昭定子美塢襲
以罪廢子順僖王鍾鈇襲薨子榮懷王奇涓襲薨子靖
惠王表格襲薨子安簡王知燠襲薨子新堽襲薨子慎

平遙王佶煇。潘簡王第三子也。潘簡王模太祖第二十
一子。母趙貴妃。佶煇謚僖靖。子惠恭王幼墀。襲無嗣。以
唐山悼懷王子鎮國將軍詮。鑒奉祀。以上明

公主湯沐邑。北魏文成帝女西河長公主。薛初古拔
尙主。西河公主。薛洪祚尙主。唐順宗第四女。西河公
主。沈翬尙主。

流寓

徐穉字孺子。豫章南昌人。舉有道。拜太原太守。不就。穉
嘗到江夏。設雞酒薄祭。太尉黃瓊不告姓名。時名士郭
林宗等數十人會葬。聞之。疑其穉也。乃選能言語生茅

容輕騎追之及於塗容爲設飯臨訣去謂容曰爲我謝
郭林宗大樹將顛非一繩所維何爲栖栖不遑寧處及
林宗有母憂穉往弔之置生芻一束於廬前而去衆怪
不知其故林宗曰此必南州高士徐孺子也詩不云乎
生芻一束其人如玉吾無德以堪之而林宗建寧四年
卒陳留蔡伯楷范陽盧子幹扶風馬日磾等遠來奔喪

見酈道元水經注

漢時

令狐楚字殼士宜州華原人德棻之裔也生五歲能爲
辭章旣及第桂管觀察使三拱愛其材將辟楚懼不至
乃先奏而後聘在拱所以父官并州不得奉養未嘗

與宴樂滿歲謝歸李說嚴綬鄭儋繼領太原高其行引
在幕府由掌書記至判官德宗喜文每省太原奏必能
辨楚所爲數稱之儋暴死不及占後事軍大譴將爲亂
夜十數騎挺刃邀取楚使草遺奏諸將圍視楚色不變
秉筆輒就以徧示士皆感泣一軍乃安由是名益重元
和十二年拜中書侍郎同中書門下平章事卒謚曰文
稱賢相楚少時曾讀書綿山靜林書院見宋咸平五年
圓鑾寺碑記唐時

王庭筠字子端河東人大定十六年間進士明昌元年

官卜居彰德買田隆慮讀書黃華山寺因以自號三

年詔爲應奉翰林文字遷翰林修撰泰和二年卒求生
平詩文藏之秘閣又以御製詩賜其家其引云王遵古
朕之故人也乃子庭筠又以才選直禁林者首尾十年
今茲云亡玉堂東觀無復斯人矣庭筠儀觀秀偉暮年
詩律深嚴七言長篇尤爲精覈韻書法學米元章與趙渢
趙秉文俱以名家遵古

至此有行書詩石四
其詩入藝文非是地所
作例不當入附錄於
帝遣名山護此邦千家

瑟瑟嵌西窻山僧乞也

招客先開卅雙

卅四十地四

雙晦爲手挂一條青竹杖

口挂百錢游夕陽欲下山